

temporis tractu eueniat, sed vno eodemq; die
 comperias mille hominum mores & diuersa ius-
 dicia: fit hinc, vt quantumuis varij de eadem
 re auctores ab alijs atq; alijs colantur &
 expetantur, quia certè (vt ille cecinit)
 τὸ δ' ἕτερον μὲν ἔδωκε πατὴρ, ἕτερον δ' ἀνέ-
 νευσεν.

Proinde & nos amicorum precibus com-
 pulsi sumus, Arithmetices aliquam compendi-
 ariam rationem ac facilem, quam nescio quo
 argumento nos efficere posse collegerunt, in-
 lucem euulgare. Non quod nostra hæc meliora
 iudicemus ijs, quæ à varijs ante nos tradita
 sunt, verum quòd ipsis magis arriserint, quàm
 ea quæ sæpè inter docendum percurrere soleo,
 quorum alia obscuriora visa sunt, nonnulla ni-
 mium Laconicè dicta, illa contra prolixitatis
 accusanda. Cum igitur multis argumentis ex-
 ploratum habeam, me in tuorum numero ami-
 corum non posteriori abs te loco habitum fuis-
 se semper, egoq; te vicissim ab ea vsq; consuetu-
 dine, quam Matheseos mutua inter nos colla-
 tio primùm peperit, vnicè amauerim ac colue-
 rim,